

يا أمّا قولي لبلادي  
إبني فداكي  
حطي إيدك على قبري  
دا كله من رضاكي  
والأرض اللي هترويهها بدموعك  
أنا سقيتها بدمي  
من دعاكي  
قولي لبلادي يا أمي  
فداكي  
فداكي

.....  
**غنوا للي طبل**

غنوا للي طبل واللي زمر  
واللي ماسك في ايده كلب ارمنت

واللي سرق قوت الغلابه  
اعملوا له شهاده  
واكتبوا له أحسنت  
واللي ضحّى بروحه قيدوه بسلاسل  
واحكموا عليه يموت بالجد  
اصل الحكايه وما فيها  
وطن  
وكل قلب بيحب بمقدار  
اللي شايفه جنه  
واللي عايشه نار  
خفافيش الظلام بقت  
تطلع في عز النهار  
وغراب البين بيعزف  
علي كل الأوتار  
يا كلاب السكك من سنين

واحنا عايشين  
بناكلها بدقه  
نايمين ع الأرض  
فارشين همومنا والغطا يادوب  
لحاف بوشين  
كل اللي سرقوا أحلامنا  
ركبوا علي الوش مية وش  
(علمونا حتى في مدارسنا كيف نغش)  
زيفوا التاريخ  
وقاله كان ضعيف وهش  
صنعوا مركب وقالوا ثوره  
جرينا  
كل واحد فينا كتب ميراثه  
قسمناها عزب وبيوت  
وعلى كل حاره وقف واحد بنبوت

ومن جهلنا  
نسينا العدا  
وكل دقيقه يجيلنا شهيد في تابوت

## إحنا الشعب الكلمنجيه

إحنا الشعب الكلمنجيه  
لا عايزين قصور  
ولا عاصمة إدارية  
ناكل ونشرب ونام  
لا ندفع كهربا ولا مّيه  
كنت سيب الفيروس ينهش فينا  
أو حتى شوية بلطجيه  
منعت ليه عننا المخدرات